



Na osnovu člana 2. stav 1. tačka l) 2., člana 69. stav 2. tačka d) i 70. stav 1. 4. i 6. Zakona o javnim nabavkama („Službeni glasnik BiH“, broj 39/14, 59/22, 50/24), u otvorenom postupku za rekonstrukciju ulice Jalijski put, Gradonačelnik donosi:

**ODLUKU
o poništenju postupka javne nabavke**

Član 1.

Poništava se otvoreni postupak za rekonstrukciju ulice Jalijski put, iz razloga što nijedna zaprimljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-19821/24 od 17.10.2024. godine. Obavještenje o nabavci broj: 1355-1-3-183-3-286/24 objavljeno je na Portalu javnih nabavki dana 22.10.2024. godine kao i u Službenom glasniku BiH broj: 76/24 od 08.11.2024. godine.

Procijenjena vrijednost za predmetnu nabavku iznosila je 428.000,00 KM bez PDV-a.

U krajnjem roku za dostavu ponuda, Ugovorni organ zaprimio je dvije ponude: ponudu ponuđača „ALMY“ d.o.o. Zenica i „ŠPIC BETON“ d.o.o. Zenica koje su neprihvatljive, iz sljedećih razloga:

Visina ponude ponuđača „ALMY“ d.o.o. Zenica u iznosu od 459.611,24 KM bez PDV-a, prelazi procijenjenu vrijednost nabavke, te se ista smatra neprihvatljivom u skladu sa članom 2. stav l) tačka l. Alineja 2) Zakona o javnim nabavkama.

Kod ponuđača „ŠPIC BETON“ d.o.o. Zenica uočene su greške isključivo računске prirode. Ponuđaču je upućen zahtjev za potvrdom ispravki grešaka sa napomenom da ukoliko odbije potvrditi predložene ispravke u skladu sa članom 68. stav 4. tačka g) Zakona o javnim nabavkama, ponuda će biti odbačena i neće biti uzeta u dalje razmatranje pri bodovanju i rangiranju ponuda. Ponuđač „ŠPIC BETON“ d.o.o. Zenica u ostavljenom roku nije prihvatio ispravke računskih grešaka, stoga se njegova ponuda odbacuje, a u skladu sa čl. 68. stav 4. tačka g) Zakona o javnim nabavkama.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

S obzirom na navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-19821-3/24

Datum: 04.12.2024. godine

DOSTAVLJENO :

- 2 x Ponuđači
- 1 x Služba kabineta Gradonačelnika
- 1 x Tenderska dokumentacija
- 1 x a/a



GRADONAČELNIK:

Fuad Kasumović